

升菴全集

八和16
170
7



和八門
號 170
卷 7

太史升菴全集二十七卷

成都楊慎著

從子 有仁錄

維揚陳大科校

新都周參元重刊

七言律詩

寄毛用成給事

名玉

別後追酌送別詩石頭城裏是相思
屢聞高議歸青瑣魯頌新聲滿玉墀
坐隱魯留王質斧好奇能



楊子春
寄李邕碑崇霞臺上頻南望冀北花開鴈去遲

臘八日

御溝迴合咽冰泉宮樹霏微變冷烟丑應商春才
八日成從漢臘已千年彩毫想繼銀鬕句玉燭仍
稽寶典篇隔戶車聲流水過却疑幽鼓奏村田

張云

健而不瘦壯而不怒有老杜有初唐

玉堂對菊閣試

碧梧消息委銀床黃菊芳菲對玉堂禁苑栽培元
得地僊家草木不知霜井泉宮裡龍銜燭太液池

邊鵠借裳東閣吟成花掖暮南端歸去彩毫香

銅罐驛

金剛灘頭寒雨歇銅罐驛前朝望通天轉山形回
合異春添江色淺深同巴農麥隴層雲上楚客楓
林返照中水底鯉魚長尺半寄書好到錦亭東

萬縣元日

官燭光中飲頌花村鷄聲裏換年華寥寥人語水
鄉市統統鼓音山縣衙江上春風先入棹客邊元
日倍思家去程回望各千里翠壁青林寒雨斜

丙子慶成宴

兩世弟兄同此宴國恩家慶總非常
春風疊鼓朝天去曉日鳴珂滿路光
周雅令儀歌愷悌漢臣諷
諫托文章虛沾需飲過三爵
高仰星文詠七襄

望華山

白帝真源紫界封金天削出翠芙蓉
高擎零露仙人掌俯瞰明星玉女峯
陽整春留千歲草陰岩雪
蔭四時松頻年來往塵埃敢向山靈問
逸蹤

春齋有懷寺中同館諸君

瀛洲烟霧玉堤陰華蓋星辰接翰林
風動冰澌環御水月明暗雪帶仙岑
上陽樹色知春近長樂鐘聲覺夜深
為問贊公房裏客曇花貝葉對誰吟

光云詞格兩高步驟自然覽之快心

送童士琦瑞州府判賦得蜀江

蜀江瑞州水名偶與蜀同

瑞州城下蜀江流風物依然似故丘
祗道靈源千里合不知仙跡幾年留
分符遠汎星槎去負弩真如畫錦遊
別後懷人更懷土煩君時一到滄洲

題畫竹

江南誰解寫琅玕後有仲昭前孟端自從文藻流
傳久轉覺丹青賞鑒難生絹一幅瀟湘出高堂六
月冰霜寒玉林深處人如玉欲往從之無羽翰

春郊即事

將軍獵射下南山陵麥青青雉子斑自有良工誇
左獲不勞詞客賦重環千夫赤羽風前疾百步垂
楊醉後攀薄莫古堤微雨歇拳騎仍踏落花還

贈王美中名瑋

青駘御史下丹霄獬豸新裁瑞錦袍階下天風吹

王樹海邊春酒薦冰桃西山日近恩光永南極星
迎執法高應問蜀城回楫地長江秋水靜雲濤

次張惟信留別韻名潮

朱絃之瑟清商音為君一奏懷鄉吟雲烟西阻義
眉望日夜東流江水心騷客芳馨蘭九畹仙人掖
垣梧十尋酒闌曲終車轍遠秋色不如離思深

送杜汝弼之官景陵時有水患

竟陵南去楚江深雲夢西連夏澤陰息壤萬家經
歲潦洪波千頃寄秋霖青楓曉失啼猿樹班竹昏

移宿烏林粒食更須愁衆口簿曹何以荅羣心

溫民懷宮諭許於浣別墅相招恐失佳約作

此戲簡

春未無伴訪烟霞忽憶仙人在浣花棋局幾時隨
澗竹釣舡何處倚江沙興憐隱浪金壺及醉想臨
風玉樹斜簷日草堂君地主還須折簡到山家

雨中劉潤之舍憲見訪

名成德

鳴雨虛堂六月秋高軒空谷遠相求佳期每憶同
星聚良會須為秉燭遊風磴雲端回白日水花烟

葉亂滄洲莫辭信宿陪孤賞更與江天散獨愁

見梅花

一辭青鎖滄江臥山城三見梅花破正愛家家臨
水開還愁樹樹和烟墮清樽欲醉不成歡雪調空
歌誰與和小院迴廊日又斜高樓短笛風前過

碧筒杯次余懋昭韵

月戶星楹敞夜燈荷筒桑落共淹仍傾未細瀉珠
盤顆摘去愁空翠蓋層消渴涼生金掌露迎風寒
瑩玉壺冰三更促席歸何晚百罰深盃謝不能

送唐守之使朝鮮 名臯

玉馬朝周封壤舊青雲
干呂瑞圖來鳳皇
櫻上星衣動鴨綠
江邊霧雨開王會
千年輝簡竹
皇恩萬里賁蒿萊
張騫謾作尋源使
陸賈虛當絕國才

送彭幸菴尚書致仕 二首 名澤

司馬英名起弁髦
元龍湖海信人豪
洪源紫塞黃河遠
爽氣金天華嶽高
裴度歸來惟縱酒
廉頗老去自遺橐
林居紫焰光騰夜
含景蒼精有賜刀

又

公家食時書座右云出必如孔明處必如淵明

憶昔西征歌采薇
雪山萬里駐驂騑
總戎全蜀風雲陣
紀績成周日月旂
諸葛蔓菁遺壁壘
陶潛松菊舊柴扉
前賢出處真相似
雅志如公兩不違

懷歸

星橋南望沉犀渚
雪嶺西連抱珥河
關塞渺茫魂夢隔
山川迢遞別離多
汀洲春雨塞芳杜
茅屋秋風帶女蘿
心事未從詹尹卜
生涯聊聽爨童歌

憶沐九華兄弟

難忘易識是君家
為愛君家好棣華
元圃春遊花

繫馬白門宵醉柳藏鴉停雲遠樹交嵐翠落月空
梁印海沙關塞各天勞斂夢萍逢何處定騫槎

讀江門驛景川侯曹公開河碑

曹名震

將軍玉劍虜塵清餘力猶能水土平象馬邊隅通
貢道蛟龍窟宅奠夷庚史家底事遺經略郡乘何
曾紀姓名賴有琳瑯播金薤可無蘋藻薦芳馨

百福寺夜宿

千仞峯頭佛日晴雲端忽見兩僧迎篝燈宴坐曇
華結汲水煎茶雪浪生翠竹黃花同入偈蛟龍丘

蚓雜題名石房夜冷難成寐惱殺荒鷄不肯鳴

留別劉珥江

名大昌

東波南浦送輕航悵悵芳春發故鄉泛宅浮家沙
鳥外銷魂迴首石犀旁垂垂楊柳人千里漠漠蕪
葭水一方更喜欲來相慰藉擘音何日到江陽

吊孟拾遺

駱谷鸞輿再播移橫流滄海廣明時刑餘周召田
中令地下逢干孟拾遺赤水探珠迷象罔青霄蝕
月任蟄頤懷沙沉石何曾問帳殿毬宮總不知

又別中巖二十春
禪枝忍草幾昏晨
三生水月淹留地
萬里江山感慨身
楚澤羈縻吟北渚
謝家兄弟餞南津
酣杯且喜朱顏在
覽鏡休驚白髮新

過南溪懷二劉參之承之兄弟

京國交遊四十春
劉家兄弟最情親
風流雲散三生夢
水逝山藏一聚塵
沙步維舟催解纜
隣村聞笛倍沾巾
可憐烟草江安樹
愁見當年送別津

寄訊芝山初岡二李國相

元韵仙飈舞柅松
新詩清水出芙蓉
舟梯不唾青城地
彩筆曾干紫閣峯
濯錦江波舟沉沉
散花櫻閣樹重重
舊遊回首金沙寺
幾度衣冠却暮鍾

作灑宋玉風舞于松栢之舞字似切淮南子猶條風之時灑則灑字亦可用不知孰為勝○柅松見山海經

孟秋北岩招提即事

秋江芙蓉開且鮮
紅粧碧水闌明蠲
可憐大室散花地
便是三管空侯天
慈雲演梵香幕阜
涼雨催詩珠跳船
醉鄉不見二豪至
蘇門竟成孤嘯還

甲寅新正六日送簡西學登舟

金蘭意氣昔論文燕坐朝霜竟夕曛千里驅馳來
棘道十年羈旅共滇雲交遊落落晨星散蹤跡悠
悠水國分江北江南從此隔何時何地再逢君

贈趙大洲太史

貞吉

起鳳才華錦水頭鳴鑿仙步上瀛洲文傳莊叔棲
雲集賦奏金卿花萼樓何國白環曾入貢至今
海未全收廟堂終用平戎策未許栖遲老一邱

懷劉東阜謝翁齊

百福寺壁見二公詩

謝劉生死論文地巴蜀山川迢遞程萬古雲霄森
意氣五兵詞賦莽縱橫虞江精舍浮雲隔汴水孤
墳宿草生濯錦浣花遊眺地悲泉斜日下層城

三月二十八日與諸弟出野觀社筮輿穿窄

徑日中乃得平路小憇大梵寺

滴堦零雨坐深更天為遊入放曉晴松蓋擎雲村
徑暗秧針刺水野田明菁葱俏舊憐春晚詰屈崎
嶇覺路生正惱懶蟬勾午睡蒲牢喜聽遠鐘鳴

四月十一日喜雨東妹丈劉珥江周五津

五津

句與同

能詩
善畫

舟膠水淺似坳堂忽爾宵殘雨送涼原色未須歌
滌滌灘聲最喜聽浪浪望中笑電生矯矢夢裡雷
車借阿香便注仙瓢傾馬背盡回焦土作金穰

又

南浦新聲喜雨篇不須艷曲唱嬋娟惠連池草借
靈運杜甫簷花對鄭虔已見清風生羽扇更聞流
水入琴絃蜜雲龍茗勞玳玳好試東城解玉泉

姚鳳岡荔枝

栢府薰風荔子丹雕盤持贈下臺端絳紗囊裡冰
肌滑火齊枝頭水玉寒羅帕分珍慙逐客驛塵飛
鞚憶長安瓊瑤欲報才應盡獨立蒼茫倚曲闌

綠竹亭為李前渠賦

一首

高人愛竹真成癖萬竹亭前竹萬竿風伯倚聲添
颯爽月娥分影映檀欒掃天綠粉晴猶溼拂地清
霜暑亦寒莫遣兒童摧錦籜成巢結實待栖鸞

其二

綠竹亭前竹萬枝興來刻竹醉題詩裁成龍笛青

瑤管斫就魚竿綠玉池嘯詠宵分闌鼓吹平安日
報偃旌旗風流何羨揚州鶴紫脫蒼筤別有奇

次姚鳳岡

名梧

玉蟾寺韻約曾少岷

名璵章

后齊

名懋

同遊

玉蟾寺在翠微間蒼苔林下萬竹班人境由來非
物外吾鄉元不是他山何須老衲雙飛錫願共詩
人扣關颯颯金風乘興去團團寶月伴君還

太史升菴全集二十七卷終

太史升菴全集二十八卷

成都楊慎著

從子 有仁錄

維揚陳大科校

新都周參元重刊

七言律詩

僧寺古梅

古幹盤龍鶴膝了眠江似泛斗牛槎風酸寒凜香
仍馥雪虐霜凌蕊自花冷面不為靈瑣艷鐵心寧

受廣平誇維摩一室空千偈坐對雙林寶月斜

曾少岷惠忠州新琢雲根筆

忠州井邑聚雲根筠管千年駁薛痕好伴輪囷接
卿霽不同澁勒暗蠻村高標自表嚴顏節文藻堪
招陸贄鬼西蜀鍾竒難韞櫝南豐新詠重瑤琨

登丹稜縣白塔寺塔與呂竿川同賦

窄堵岩崿出半空蔚藍天界接剛風魚鳧疆域遙
瞻外龍鵠山川近覽中乍似潛虬穿坎窞俄驚飛
鳥出樊籠登高勝侶歸來晚樓閣烟花紫翠重

亭音亭
山亭
空淡上聲
塔旁也

嘉州劉介川進士母壽詩

阿母瑤池翠水滄生兒共道得寧馨金仙元住岷
峨國寶婺遙連奎壁星蒞榜已看秋桂綠蘭臺行
校夜藜青三江化作長春酒戲綵恒斟愛日亭

老馬行

老馬為駒下皂棧昔日友龍今伴鴈棄置徒傷田
子蒐剪拂曾遇孫陽盼長鳴蕭蕭失風雲知道悠
悠忘澗金式如堪鑄伏波彩毫還擬圖韓幹

病中秋懷七首

遺音第也

八月江陽暑未休赫羲朱侵迫添愁西岷秋老金
猶伏南詔星回火不流霜信幾時來遺鴈兩聲終
日望鳴鳩似憐宋玉荷凋怨故遣班姬團扇留

又

尹氏遺蹤百尺臺招呼不見子歸來可憐文武為
邦憲却泥嬋娟養禍胎嗚牝掇蜂終古恨衣苔帶
藻至今哀悠悠往事嗟何及浩浩東波去不回

又

南定樓前碧草春荔枝林下少埃塵三瀘名號訛

岷音岷

千古二水沱會兩津青箬海商舫集紅粧營
妓管絃新多情莫悔登臨數良夜何妨秉燭頻

篋音苗

九絲城寨控諸蠻舊是鴉飛不到山深箬篋笏何
太毒橫江烽燧不曾閒蘿桐列哨誰傳箭高珙孤

桐音桐

城只閉關安得班超投筆起戎州暫得破愁顏

江郭西偏寂不喧卜居草草結櫺軒
香閣紫洞天環薜荔垣書載洛中三十乘經傳柱

揚州卷

下五千言寬閑謝客綠貧病懶散從吾養性源

道蓬城西百尺樓登茲銷暑亦銷憂江山平遠難

為畫雲物高寒易得秋吉甫清風來玉鹿涪翁妙

墨換銀鈞餘甘渡口斜陽外靄迺漁歌雜棹詎

湘纍憔悴滯江潭禪伯逍遙老枕龕松下圍棋閑

屨二花前度曲引杯三不愁痼疾嬰雙豎為喜良

鑿得二桷任彭二鑿皆多桷采藥名山吾願畢白頭久矣

桷音南

謝朝簪

尾句又作更借新涼供穩
睡西風昨夜鴈聲南

毛伯玉點易洞

淨林蕭寺北山隅曾是精廬隱昔儒書帶草生移

鉅野篆文江繞接巴渝吟詩雲今年頭碧點易霞

留洞口朱何日放舟借麗澤紅泉石蹬足斟斟

斟音姑

次韻章后齋為余壽

香界諸天寶鏡開
玻璃江色入瓶罍
方舟南浦成佳會
飛蓋西園遊上才
明月臨時仙客醉
碧雲合處美人來
已甘投老三三徑
仰荷承平兩兩台

携酒探梅

滇海南雲老歲華
世年不見故園花
吟邊索笑驚春晚
夢裡尋香覺路賒
凍夜明蟾清影瘦
搏風玄鳳綠毛斜
興來是處堪携酒
徑造何須問主家

喜任蒼岩至招之飲

梅

還家不落新春後
征棹先逢舊雨前
繡被喚回巫峽夢
錦囊賸有蜀江篇
垂垂梅蕊猶凝雪
濯濯楊枝欲吐烟
好是玉盤傳菜日
共酣金醴媚椒天

寄李心山侍御

扁舟暮倚荻花叢
燈影皤然照一翁
明月此時千里隔
清吟昨夜一樽同
人生南北真歧路
客計飄飄是轉蓬
隴驛寄梅曾到否
年光又逐斗杓東

釣魚城王張二忠臣祠

釣魚城下江水清
荒烟古壘氣猶生
睢陽百戰有

捷將墨翟九守無降兵犀舟曾揮白羽扇雄劍幾
斷 纓西湖日夜尚歌舞只待崖山航海行

聽歌

彩雲天外駐行盃明月櫻前引上才紅頰綻時銀

燭爛翠眉低處玉山頽飄飄俠客遊燕市窈窕仙

娥下楚臺千載王郎風韻在倩君重唱夕陽開

王 丞溫泉寓目詩唐入入樂府名相府蓮訛為想夫
憐白樂天云秦川一半夕陽開此句尤妙

送道士何端陽往武當

策嶺之峯丹翠含金膏水碧孕重岩磨蟻遊人陟

楠 滿平聲

杉 音杉

風磴駭鸞仙侶坐冰嵌三霄寶月懸青楠千歲元
霜下紫杉此去暫離應萬里鶴書何月寄遙緘

浮橋

駉 音臤 歌即

千尺長虹臥錦波懸撞度索笑狎犵玉環金鎖隨

開闔木客鮫人雜嘯歌漫道鼉鼉梁碧海虛傳烏

鵲架銀河堪憐來往驚鴻影步步塵香襯襪羅

送何栢村元戎

貔 音皮獸 名

牛斗妖氛指日平暫勞鵲印掛東征捷書行奏長

楊殿軍令先傳細柳營冀北貔貅曾控御山西將

帥半牙兵功成歸隱青城曲社酒寒燈好結盟
木涇周公哀集鄙詩刻之作此以謝
漫興詩成散逸多玉人彩筆為編摩四愁平子饒
情興五噫梁鴻發嘯歌羽獵長楊遠侍從碧鷄金
馬飽經過彫蟲小技嗟吾老谷鳥嚶鳴奈若何
八月梧大司寇喻公壽詩 茂堅
丁卯同年七十人回頭五十正嘉春沉沉海屋添
籌笑耿耿長庚映昊昊已見錦堂稱壽俊况兼青
史傳名臣千峯不隔南飛鶴一盞遙飛賀誕辰

詠風扇寄珥江

飈輪木羽引涼多金伏朱炎奈爾何姑射冰姿堪
作對山陰雪興可能過婆娑影裏懷瓊樹蹀躞聲
中想玉珂便擬千觴河朔飲仍聽一曲洞仙歌

送韓吳菴應廕北上 述甫

采蘭贈弟弟如金珍重金蘭只此心屈子乘芳留
佩鞞左思招隱間重襟驪駒北上瞻高步虎節西
歸聽好音奕世聞詩齊魯並豈惟韜畧似淮陰

夏松泉太宰壽詩

赤鳥歸來鬢未星紫垣光燄照涪陵山中宰相無
塵事河上仙翁有道經春色又驚梅葉白薰風幾
喚荔枝青停雲問月多篇詠何日滄浪一共聽

觀平吳錄

庚申運下終焉斗野驚看伏鼉懸九四由來直
海孽萬三未必是天錢可憐槎史嬰龍日又見香
臺走鹿年管樂誰將饒介許孟無遺恨醉樵篇

詠霧淞有序

甲寅歲秋冬久雨連月十一月廿六日甲子曉籠霧微松蓋晴也俗諺云霜淞材

金

霧淞貧兒備飯瓮往歲在北方寒夜冰華著樹若絮日出飄滿庭階尤為可愛魯南

十音樂

豐詩云園林日出淨無風霧淞花開樹同記得集英深殿裏舞人齊插玉瓏鬆又

書

曰香消一榻瓊輸暖月映千門霧淞寒韻書謂之凍洛洛音索冰著樹如索也

惟得天鷄誤曉光青腰玉女試銀粧瓊敷綴葉齊
如剪瑞樹開花冷不香月白詎迷三里霧雲黃先
兆萬家箱貧兒飯釜歌聲好六出何須賀謝莊
招張愈光癸亥歲時十六附此
容易年光斗柄東蕭條客舍酒樽空雪消已減乘
舟興寒重翻添閉戶功古道塵埃多去馬故人書

信少來鴻新豐逆旅知無伴何惜西齋一笑同

夜宿玉池

投轄多情信宿留長河未曙夜悠悠池停蛙鼓雨
初霽窻靜蚊雷風乍秋尋壑經邱殊窈窕談元舉
白更風流名園已到終嫌晚還擬山陰雪夜舟

百梅亭

綠萼紅跗映碧瀧山香水調換新腔翰林風月三
千首樂府鴛鴦七十雙陳閣臨春森玉樹漢宮不
夜爛金缸梨雲梨雪都成夢桃葉桃根枉渡江

跗音付

次韻陳玉泉見過鳳

新詩清水出芙蓉南國才人陸士龍老去衡門饒
寂閒病來塵榻愧過從湯湯流水琴中思種種繁
霜鏡裏容良會蹉跎時迅速朱炎忽已變條融

贈郭雲屏閩帥

郭承天人

將軍出鎮向西川萬里從龍下日邊雪嶺雲開瞻
突兀錦江風定泛漪漣世家舊說金臺事樂府新
傳寶劍篇旌節花明營柳細徵還扈蹕侍甘泉

書扇贈薛曲阜二守治

大賢為政即多聞杜老曾云我亦云千里清風傳
穆頌兩江流水漾漪文停雲遠樹傷遲暮對月高
櫻悵夜分葵扇揮毫酬雅意棠陰回首惜離羣

夏五亢旱彌旬曲泉薛公精裡露禱霖雨應
辰農望既欣道暘亦起詩以志喜

漫擬休連戲廣川土龍泥鶴盡成拍風雲忽送三
更雨庭院如鳴百道泉雲漢于今無旱魃甫田自
古有豐年吾廬坐愛涼如洗好續蘭臺賦颯然

誄周生贈扇上刻詩韻周名宗光

紈素裁成寶月光卷舒懷袖動宮商老來却厭丹
青手興到還登翰墨場坡老高吟三十韻右軍細
札百千行光風解若人雙玉明日蕪葭水一方周生

自長壽來肖余韓吳菴同會
周與韓皆余中表懿親也若音后

五月櫻居雨涼欣賦

快雨崇朝滂暑徂頓令注夏病全蘇恍疑方丈清
虛島似對瀟湘水墨圖曲沼青鼉喧鼓吹高齋白
鳥淨軒厨冷然風御何須羨塔爾涼襟且據梧

贈薛生季德名量府二守曲泉之子

崇花庭下見班衣年少清才世所稀三鳳舊聞鳴
奉奉季騶今復景駢駢鄰林丹桂開華省唐苑緹
桃近瑣闈琢玉慙予非哲匠泥金遲爾到漁磯

次韻章后齋

漫嘲阿昶誤金根聊效王家點黥痕老嫗重尋戴
山寺道士頻過曇碾村黃庭鴟鴞籠歸翼赤管猩
猩返醉竟洛浦煩君翻舊賦驚鴻寧畏毳如毘

之會又明日后齋約為洛浦之遊○曇碾村山
陰道士所居見文房四譜○戴山寺王右軍為
老嫗書
扇處也
昶音唱碾音攘

喜雨

高閣憑闌暑氣沉寒山銀竹映森森雲從太華仙
人掌風入蘭臺宋玉襟霖雨不關昏靡夢荷鋤聊
慰老農心木桃投贈須君和醴醕浮香喜自斟

太史升菴全集二十八卷終

太史升菴全集二十八卷

入掌風入蘭室來王赫霖雨不聞膏肓憂
 高閣懸開景虛出樂山壯竹如森森雲外
 喜雨

太史升菴全集二十九卷

成都楊慎著

從子 有仁錄

維揚陳大科校

新都周參元重刊

七言律詩

孟冬苦寒滇南之行留別江陽親友

昆池滇嶠廿年遊白首重來未得休
 靖節詩篇形贈影莊周呼應馬
 兼牛江花品藻春紅隔城闕凝

光霰紫浮賞菊探梅還憶我相思莫吝置書郵

登艦一望一魂銷賴有清樽慰寂寥寵餞江陽殊

藹藹壯遊滇路漫迢迢梅心柳眼皆春意棘舞夷

歌亦舜韶猶有多情如杜牧畫橋明月教吹簫

舟中留別吳菴蒼崖 吳音憬

夢醒渾疑未別離止舟却喜似歸時情親千里勞
相送衰病三秋指遠期間左又與秦成役殿前曾
識漢官儀琵琶商婦君休聽恐動王涯貝錦辭

天池夜宿對榻吳菴

永寧三百六十灘順流劈箭上流難來賓霜鴈歲
方晏喚客荒雞星未殘羸軀肯容老巴國濯髮真
如到消盤明日魚鳧關外路綠纓清淚對君彈

次郭雲屏登西樓韻二首

說劍論兵邁品流明時論賞早封留種衡許國三
千牘德裕籌邊第一樓城郭笙歌渾不夜溪山草
木未知秋輕裘已叶前賢事衽革先寬旅客憂

又

種 音充
雅也

清香盡戟感時流
遷客經過此淹留
零雨多情孫楚
堆月明同夢
庾公樓新梅艷艷
爭迎臘殘菊垂
垂尚駐秋地主
多君似嚴武
登臨暇日亦銷憂

送永寧范商野二桑扶涯際涯北上

永寧山水接江陽
毓秀鍾靈歲月長
五色絲毫爭炫爛
三株瓊樹共芬芳
卿雲影裏芝泥紫
瑞日光中葢榜黃
老我扶衰淹病榻
喜君惜別到文房

贈嵩明太守羅果齊

肯為衰翁百里來
蕭條寒館足春臺
世家文藻匡

時畧環海謳歌作郡才
芳草已隨江柳發
棠花遙映野梅開
從今詩苑添嘉話
清夢高峽夜夜回

席上漫興重贈羅果齊

君侯載酒過春城
畫戟清香絳燭明
珍重青雲新意象
留連白雪舊歌聲
坐如泥塑還和氣
醉若山頽未盡情
知己相逢難遽別
席間漫興又詩成

劉虛湖封白石載酒過高峽

荒林遠枉兩高人
仙棹搖搖積水濱
懷舊重過題竹處
尋芳正及賞梅晨
登樓醉水渾無夜
看屐尋

山賸有春爨舞滇歌元慣見渝兒巴納愧橫陳

十二月二日張龍山謝高象教梅坡余九崖

杜晴江梁一江潘東溪携酒過訪高峽

寂寂荒村生冷煙敢期車從枉羣仙釣竿未拂珊

瑚樹樽酒重登玳瑁筵漱艷池塘芳草外飄飄舟

楫早梅邊高峽滇海留嘉話剡曲斜川合共傳

潘東溪都閩惠暖床

老去真成有髮僧禪床四大續傳燈使君高誼來

今雨旅客鄉心履薄冰寒榻中宵分末照小樓兩

度記同登交情却勝潘楊穆孤枕長吟載寢興

滇海歲暮

村燈社酒簇辛盤春立星回臘已殘故國江山遙

悵望浮生節序幾悲歡寇公心事雷州竹屈子情

辭澧浦蘭草蓀藜床無雪霰醉來一枕且偷安

太守董約山訪予高峽海在勝言尋甸山水

之嘉即事

使君高誼薄塵寰邀我尋春慰旅顏不是蟠胸多

磊落那知絕域有江山玉杯家學魯親炙瓊樹風

流許重攀畫戟清香延坐久村孤城遠漏聲閑

答昆明尹張極山

南荒遷客重來時東道主人慰衰遲相望咫尺雲
津樹限隔一水昆明池彈琴暇豫宓子賤戴星出
入巫馬期高峽小樓有懸榻一樽何日話心知

次韻謝高泉送余往永昌

鷄足驚頭送五嶺青龍赤虺遠三江嗅金寧即非
金齒建木由來是木邦石上支筇何憚險雲端飛
屐不須雙衰年憐我同萍梗麗句勞君韜錦杠

呂呈貢送官燭栢炭

冷落蕪陵水一方春風桃李近河陽燭明文室散
花地炭熾仙家雕玉房酒伴掀髯呼博塞歌重炙
手暖笙簧盈盈相望還相憶剡曲溪邊興未忘

送梁一江北上

天子萬年昌歷永春王正月賀函齊穩流巴峽飛
雲棹如砥周行進月題魏闕雙飛雲裡鳳文樓三
唱卯時鷄憲臣奏最來青瑣行見天書陟紫泥

贈倪江村

倪子江村一草亭望中雲白見山青酒杯落魄春
浮蟻書卷縱橫晚聚螢米芾船邊虹貫月張翥槎
木水涵星古詩今調三千首一夜無眠枕上聽

安寧溫泉董北溪新建碧玉樓

碧玉泉邊碧玉樓崇幽何羨采真遊清秋長咲
山鳥朱夏閑眠對水鷗孺子滄浪休濯足高人
曲漫田舟衰年七袞重來此何限相知半白頭

昂賦雲物之美麗而池館之崇幽

送陳少野西上

蒲塞蘭津路阻脩金狻翠駁且淹留欲携杯酒歌
三疊又感重英詠二矛橫水光明誰執訊探丸赤
白自虛投飄然皓首芝山侶敢為將軍借筋籌

贈謝平山

千里西征見玉人簷花池草話情親風流陶令歸
何早文藻桓譚論更新席上休談當世事杯中強
覓舊時春坡仙詩句君知否且聞樽前見在身

次任棠山見贈

不貪夜氣識金銀漫道詩成泣鬼神耐可炎方禦

表與帙同書表也

魑魅虛傳奕世掌絲綸乘雲久塌南溟翼濡沫應
憐東海臣珍重高人推轂意豨膏那解轉方輪

棠山携酒過荒館

天燈收後近花朝為喜新晴物色饒其柰髮絲偏
種種無端心旆正摇摇望中雲樹三層堡夢裡烟
霞萬里橋獨有憲臺東道主酒杯碁局慰蕭條

歸途始發

重作滇雲萬里征歸途却喜遇春晴一筇歷歷記
行店雙堠頻頻減去程嶺上聞猿孤枕淚辟間見

蝟故鄉情烏蒙瘴霧昏眸久想對江花眼倍明

題五老圖遙壽張禹山八十

遊筭誰論魏羅結著書居似范長生九齡天賜言
非夢五老星飛兆久成元韵松風時靜聽仙酌花
露日頻傾永昌不數睢陽社一鶴南飛寄此情

會友柯玉井贈寶劍

金裝寶劍倚崆峒持贈慚非陸賈功老境慢勞身
出塞少年空有志平戎冲霄紫氣璣衡北照夜清
光奎壁東虎豹潛藏魑魅避歸來不歎路途窮

何雙梧徐靜谷相送至廣通

迴磴關頭並馬馳春風二月送歸時纔醒何遜梅
花夢又續徐凝瀑布詩老去故鄉應息駕天涯再
會更無期月橋分手銷魂處便是此生長別離

奚栢軒李西崖許松溪三君子枉過張氏園

海上群仙貫月槎辟疆園裏踏晴沙芊綿雜草開
三徑窈窕穿林似兩家戛玉敲金君子竹長紅小
白女郎花流年不用驚華髮良會何辭醉紫霞

廣心樓夜宿病中作七十行成和

落窅重逢下石人七旬衰病命逡巡藤蘿深箐猿
孫穴瘴癘窮山虎豹隣枯木幾時霑雨露戴盆何
地見星辰元夫幸遇睽孤日靈亥寒灰也望春

三月十日雲樓上公見訪高峽邱鴻夫楊子

中侍同觀梁徐僧權帖子昂春山勝事卷李

伯時九歌圖吳小仙獻香圖

喜逢嚴武解憐才過訪旌旗駐未迴黃絹色絲開
古帖綺筵彫俎進深盃風清畫舫吟芳草月上應
門照綠苔更與海濱添盛事千金何用築高臺

楊林病榻羅果齋太守遠訪七十行戍稿
 荒店晨炊冷竈烟忽聞五馬暫流連關山盡是銷
 魂路樽酒翻為迸淚筵遙想生還成幻夢縱令死
 去有誰憐眼前難縮壺中地何問靈均楚國天

遊華亭寺遇雨即事

華亭高處接諸天松栢陰森滴筧泉元默擬尋方
 外侶清狂仍共飲中仙茅容避雨山邊店宗慤乘
 風海上船越女紅裙沾濕好不須翠黛感嬋娟

董約山太守枉訪高峽同遊太華寺

五馬三旌駐碧雞松篁昏黑上頭迷慈雲擾擾珠
 林北寶月纖纖紺殿西佳客興來還笑傲浮生亦
 有但羈栖歸來村叟分雙炬微徑歆危獨杖藜

挽錢南川憲副

鼓瑟湘靈夢已先鳳嬉亭下識君賢禮闈英妙矜
 三捷憲府飛騰羨九遷丹悃壯遊曾許國黑頭未
 老賦歸田華堂易簣嗟何速深負如臯射雉年

劉風山太守見訪高峽

正和漁翁鼓枻吟忽傳五馬特相臨清風塵榻紆

仙步細雨柴門聽好音陶館停雲幽興起樂庭披
霧道情深不嫌野外無供給太華峰頭擬共尋

贈謝高泉

奕世盤盤出大才早時名姓兆魁台棟梁昭代占
隆吉風雅明時屬總裁鴛駝那堪成兩別隨駟行
見出駢胎涸魚窮鳥如相憶感寓亭前有鴈田

東高泉

鄉國懷歸近有期燈花先報主人知曉看飛鴈傳
書札夜夢驚鴻劈荔枝金伏朱炎殘暑退瓊枝碧

月早秋宜玉關生入真竒事投筆斑超又賦詩

駐節亭餞高泉

萬死投荒七十春幸逢桑梓話情親士師柳下難
稱枉漁父蘆中易愴神往事悠悠如捕影餘生落
落且同塵濁醪妙理天之祿好醉樽前掌上身

封白石工部劉虛湖戶部同訪海庄

搖搖畫舫艤湖東二妙多情訪病翁憶別久懷塵
榻冷相逢莫放酒杯空廿程道路江陽近千里風
烟蜀苑通有約重携二桃李早梅時節醉芳叢

鴛駝

駝

歎音畜盛
歎氣怒

送高泉謝公回滇周太霞同泛舟

高泉仙棹訪貧家城上高樓接太霞坡老旅情昌
歎酒雍陶鄉思米囊花迢迢紫宙凌風翰渺渺銀
潢貫月槎岐路不須悲斷梗吾生今已任瓠瓜

撫臺游可翁命周生太霞校刻五經傍註因
得駐五華精舍晨夕晤語遂有此贈

早從芳潤嗽餘津理窟年來近道直瑟捨由求鏗

爾對業同祖謝響然臻陶詩周生述孔懸金呂覽

言空詡缺石中郎跡未陳白首無聞吾獨老昭昭

何用解祥麟

次雲樓上公韻五月十九日魚池雅會

糝桑感切
糝米屑為

環衢窈窕錦亭東玳樹留春綴糝紅鳥度屏風青
瘴裏魚窺明鏡碧瀾中賓筵鄴下詩篇盛軍次漁

陽鼓角雄獨有白頭虛授簡梁園應愧長卿工

魚池即席贈王華南華少華三公子

翩翩清世佳公子秩秩初筵集上才宿昔八龍何

護落于今三鳳喜毡毳通家會面嗟何晚良會知

音訝許猜有約高峽同過我不論晴雨有花開

糝音裴

六月十四日病中感懷七十行成稿

七十餘生已白頭明明律例許歸休歸休已作巴
江叟重到翻為滇海囚遷謫本非

明主意網羅巧中細人謀故園先隴痴兒女泉下
傷心也淚流

太史升菴全集二十九卷終

太史升菴全集三十卷

成都楊慎著

從子山有仁錄

維揚陳大科校

新都周參元重刊

七言律詩

病中永訣李張唐三公 已未六月

魑魅禦客八千里羲皇上人四十年怨誹不學離
騷侶正葩仍為風雅仙知我罪我春秋筆今吾故

吾逍遙篇中溪半谷池南叟此意非公誰與傳吳

河懋嘗以楊弘山士雲王純菴廷表胡在軒廷

祿張半谷含李中溪元陽唐池南錡為楊門六

學士以擬蘇門秦黃晁張廖畧云余曰得非于

子而七乎七子文藻皆在滇雲一時盛事余固

不敢當也然余之遭妬中害而卒不得還者竟

以此不欲言其入姓名如柳子厚傳河間云意

蘭津橋今名霽虹

漢書載瀾滄謠云漢廣德開不賓度博南

踰蘭津渡瀾滄為他人即此地也土人譌

呼為浪滄云汝清對真卷

織鐵懸梯飛步驚獨立縹緲青霄平騰蛇遊霧瘴

氛惡孔雀飲江烟瀨清蘭津南渡哀牢國蒲塞西

連諸葛營中原回首踰萬里懷古思歸何限情

昆明波濤南紀雄金碧滉漾銀河通平吞萬里象

馬國直下千尺蛟龍宮天外烟巒分點綴雲中海

樹入空濛乘槎破浪非吾事已斬魚竿狎釣翁

次沐希甫山茶花韻

山茶競開如火然山城淑氣銷寒煙幾經南國芳

華遠忽憶上林花信前賞心避地日多阻抱病閑

門春可憐黃須紫萼莫相惱青鏡綠樽非壯年

浪穹縣

鳧雁唼喋菱荇光翡翠搖裔蘭荂芳古寺雙林帶
烟郭平湖十里通春航遠夢似曾經此地遊子恍
疑歸故鄉桃園仇池到處有萍浮梗泛悲蒼莽

立春滇郭西看山茶

山國山茶太繁品春盤春菜先此筵多情日日花
懊惱無賴家家香接連河陽少年亦好事杜陵老
翁惟醉眠歸來瓊枝猶照眼焰紫然紅君馬前

春泛晚歸

滇海橫波搖遠天青峰影在柁樓前汀蘋嫋嫋風
色起崖草淒淒春興連漁父濯纓歌鼓柁姪女當
壚工數錢醉歸不嘆無兩炬東塔已高西月弦

甲午臨安除歲

去年除夕葉榆澤今年忽在臨安城斜看暮景飛
騰意正念天涯流滯情寒梅判山我欲寄烟草瀘
江誰喚生隣墻兒女亦無睡歲火天燈喧五更

豐祿縣西蘭谷

響水關水繞蘭谷蘭之猗猗環谷芳瑤渦玉湜湧
神漢綠葉紫莖涵帝漿湘纍採作美人佩尼父嗟
為王者香懷哉千古兩不見獨立蒼茫愁大荒

中丞白泉汪公生辰值安南款報至

金潏銅柱貢函來象渚龍編道路開上將簡書回
北極中丞勛業冠南臺擬將萬舞排家宴欲取鏡
歌獻壽杯節鉞可能淹衮烏明年何地望三台

春夕潘園

雨砌風簷墮棟花垂書鳥字遍晴沙春山載酒馳

朝馬江閣邀賓起暮鴉陶令葛中從滲漉管寧紗
帽任歌斜殊方未覺追隨盡韋曲風流更爾家

寄任少海李仁夫

擬折瑤華遺好脩攀援桂樹且淹留金膏水碧欣
相待翠觀岑青悵獨遊海動三山任子釣溪通九
曲李仙舟東南孔雀飛何遠西北高樓雲自浮

連雨

江星動天人涉波滄雨毀山仍漏河兩崕渾不辨
牛馬千家直恐為鼃鼃桑田滿地西成少桃壘同

流東逝多懸磬反關斷車跡有客無衣中夜歌

別周昌言黃孟至

長年三老試登艦雙鬟小妓唱巴歛重露桃花薛

濤井輕風楊柳文君壚可憐鴻臚橫四海未許鷗

夷浮五湖銷魂從此渺然去迴首峨眉山月孤

五丁峽舊傳為力士開山之地據史秦用張

儀司馬錯之謀以珎器美女賂蜀侯而取之

小說迂怪傳疑可也遂賦此詩

峽形千仞立蒼顏開闢從來有此山自是美人傾

絕國不緣壯士啓重關蔡蒙早入梁州貢庸蜀魯

陳牧野間謠俗流傳難借問丹青遺跡尚班班

碩筲溪中丞載酒過滇館名應祥

濁水清塵十七年豈知披霧更雲滇釣竿未拂珊

瑚樹杯酒重登玳瑁筵春夢依稀蕉鹿後晨星寮

落雪鴻前逡巡醉馮張真帖咫尺忘歸范蠡舡

送蕭凌漢都閩謝病歸蜀

三輔名畿百戰場青冥鉄鉞白毫霜謝安儘有平

堅策杜甫曾無抹瑄章聞道軍威餘細柳試尋遺

採興校同

愛有甘棠錦江未許垂綸久計日仙舟望帝鄉
三鵬鳳翔阻雨兼聞寇未靖撥悶

萬里歸程兩月過淹留羈旅竟如何故鄉望處
烽火遠道愁時賦蓼莪秦嶺北來山礙日河陽南
下水增波竹林向曉鳴鳩急明日雨聲應更多

早寒

曉夢驚回聞早鴉新陽出海散明霞田隴初生戴
星草園林已發迎春花山脊炊烟穿高竹渡口漁
船依淺沙籃輿有暇可乘興西崦東臯問煮茶

籃音籃

大音淹崦
崦音崦
崦音崦

賦得江上舟送人

濯錦江邊青翰舟別情歸思兩悠悠開帆影遠入
雲小合櫓聲齊和月柔正擬乘槎上南斗還思擊
楫在中流新詩懷古兼春興傳與巴人作棹謳

寄用貞弟

杜陵巴國苦寒行李白梁園昨夜情山葉早梅心
萬里雪窓風竹夢三更河橋晨別南見影江漢春
催北鴈聲回首長安當日下感時懷汝摠難平

送馮行健守興化

東方千騎別程催
南浦雙魚幾日回
秋向炎州隨鴈去
春行露冕見花開
中朝奏疏匡時畧
窮海歌謠作郡才
上計即看蒙上賞
仙遊元自接仙台

王舜卿尹舜弼往昌平例送

漢陵原廟近長安
唐殿香爐遣從官
月地旌旗屯虎豹
明樓燈火散鷓鴣
稍驚霜堞栖鴉起
轉覺冰橋度馬難
誰似玉堂雙宋玉
郢歌一曲破郊寒

送楊仲立進士歸省 名儀

鄉國同年十載遙
飛騰次第上雲霄
扶搖去息南

杓音標比
斗之柄

溟翼象緯回瞻北斗杓
楊子談經餘舊閣
相如題柱有遺橋
誰從駟馬尋踪跡
自向玄言賞寂寥

次王明遇留別韻 名良佐

秦地長城紫塞曲
漢家亭障白雲齊
將軍幕府傳刁斗
壯士關山送馬蹄
鄉信迢迢隨去鴈
邊心渺渺聽鳴鷄
行看烽火圍中靜
祇見明星隴上低

次韻惟信送客東郊

城外浮嵐翠巖開
橋邊新漲綠波回
鳴鞭紫陌遊人出
結軫青郊上客來
南浦草芳春雨過
東園花

信晚風催昏鍾杳杳尋歸路飛蓋飄飄帶晚埃

送何勳伯

柱史南巡采國風行臺分向浙西東星邊牛斗遙
占象湖上魚龍早避駝岫擁春雲天日近潮含明
月海門通心期又作三秋別書札還勞萬里鴻

送張孟復達州兵備副使

西蜀行臺持憲節東川分閫寄儒纓雲林曉日青
羌浦水國秋風白帝城潭下蛟龍驚鼓角門前鳥
雀避千旌折衝樽俎烟塵靜始信荀卿善議兵

答張起溟

君乘五馬向炎荒客送雙魚借寵光江月維舟添
滉漾海雲迎旆共飛揚東城極目春千里南浦懷
人水一方會待高翔凌紫極肯教獨立咏蒼茫

送祝文安知楚雄府名弘舒

君領銅魚問碧鷄封疆諸葛舊營西禹山閣道盤
丹徼岷水牂牁帶黝溪鼓角連城霄月淨千旌一
路火雲低請看盤木他年頌還擬中和樂職題

嘉陵江

嘉陵江水向西流
亂石驚灘夜未休
崑崙畔蒼藤懸
日月崖邊瑤草記
春秋板居未變
先秦俗剝木猶
疑太古舟三十六
程知近遠試憑高
處望刀州

無題

丁丑歲同何仲默張愈光陶良伯作追錄于此

石頭城畔莫愁家
十五纖腰學浣沙
堂下石榴堪繫馬
門前楊柳可藏鴉
景陽粧罷金星出
子夜歌殘辟月斜
肯信紫臺玄朔夜
玉顏珠淚泣琵琶

鄭立之中丞平蜀石城夷寨有詩紀事次韻

贈之

漢庭不動九天兵
瀘水重興五月征
談笑折衝迴萬里
指揮能事定三城
戎原夜市煙花繞
澤國春畬歲草生
紀績休磨崖上石
巴渝歌頌比風清

出關擬唐人

狼狐芒角正驚環
虎落連營又出關
漢使征鴻何日至
牧馬幾時還
千重紫塞迷青塚
九曲黃河繞黑山
飛將殊勛猶下吏
書生乘障敢辭艱

孟春與葉桐岡迎王鈍菴于郊即事

正月勾東春已深
遲客登樓延賞心
苔池飛泉漱

鳴玉茶圃黃花如散金漢陽莫作窮鳥賦楚狂且
停衰鳳吟綠樽共喜日日醉華髮那畏星星侵

七星關新橋

架壑盤巖嵌碧空驅山鞭石讓玄功星梁天柱撐
銀漢雪浪雲濤抱玉虹襟帶平分滇蜀險品題合
占古今雄登來彷彿臨玄圃不信飄零逐轉蓬

次姜夢賓登洱水浩然閣韻

誰賦風光草際浮謝公佳客盡詩流紫城雲樹迎
江閣白國烟波送海舟南浦移樽消旅思西園飛

蓋記仙遊愁來獨減登臨興病骨先驚一葉秋

安寧溫泉

鏗瑟舞雩歌點也流觴脩禊記羲之何如碧玉溫
泉水絕勝華清砬石池已挹金膏分沆瀣更邀明
月濯漣漪沉沉蘭酌春相引汎汎楊舟晚更移

不得楊實卿書

逐客正傷南浦賦高人遙致北山文詩壇花月還
公濟玄圃方州又子雲起草共知雙筆健轉蓬何
翅十年分懷儂莫作相尋夢蜃雨蠻烟泥殺君

贈韓靈菴表弟
奕世龍韜耀將星守窓惟愛讀書螢愁看歐氏隴
阡表喜連蘇家族譜亭棣萼關情花寂寂寒泉入
夢水泠泠雙金片玉人皆許勲業行藏髣正青
病骨寒宵冷不勝壅爐塞向正凌兢壺悵蓮漏渾
如咽燈暗蘭膏坐自凝夜久夢回疑有雪朝來唾
下欲成冰狸奴戀暖驅難去縮蝟銜蟬隱被稜

折楊柳

滇中集

垂楊垂柳綰芳年飛絮飛花媚遠天金繭抱春寒
食後玉蛾翻雪暖風前別離河上還江上拋擲橋
邊與路邊遊子魂銷青塞月美人腸斷翠樓烟

升菴全集三十卷終

太史升菴全集三十一卷

成都楊慎著

從子 有仁錄

維揚陳大科校

新都周參元重刊

七言律詩

春日訪樊九岡幽居

九隴岡頭紫氣浮
高人元是列仙儔
黃花晚節開
三徑翠竹清風卧
一邱松菊微行常
伴鶴苔磯獨

楊升菴 三十一卷
釣不驚鷗伊余南北東西者浪跡深慙下榻留

春三月四日仰山余尹招遊疏江亭觀新脩

都江堰

疏江亭上眺芳春千古離堆跡未陳轟轟樓臺籠

蜃氣當當原隰接龍蜃井屠需養非秦政則堰淘

灘是禹神古圖經深淘灘淺則為作非也為喜灌壇河潤遠

恩波德水又更新當音均

周五津寄錦箋并柬楊雙泉

誰製鸞牋迥出羣雲英膩白粲霜氛薛濤井上凝

清露江令筵前擘綵雲窈窕翠藤盤側理連環香

玉剪回文老來無復生花夢錦字泥緘付墨君

天樹中元夕望開福寺燈塔

鈴語吟風寂梵音塔燈擎月淨高深孟蘭瑞草生

三昧天竺曇花散五陰鴈沼恍疑星宿海鷲峰幻

作火珠林西方謾說光明藏何似中華地布金

寄夏松泉名邦謨

山中睡起三竿日天上書來五朶雲念我獨愁開

闕寂感君長跪謝殷勤兩年故國交遊隔千里同

心岐路分奇樹華滋看已徧不禁春色惱離群

山中郟縣子雲閣

落景登臨縣郭西坐來結構與雲齊平郊遠訝行人小高閣迴看去鳥低林表餘花春寂寂城隅織草晚萋萋酒闌却下危梯去猶為風烟惜解携

立春日禁中對雪

天街晴雪照簾櫳萬戶千門似郟中先向曉營添朔氣却隨春仗轉條風上林花信梅邊出太液波聲柳外通郟客高歌誰屬和已人下曲本難工

戊寅九日龍門登高

江山盤踞千年地風雨崔嵬百尺臺搖落霜林秋籟發參差雲堞曉光開四愁多阻張衡望九辨堪興宋玉哀望遠登高聊自遣芳萸艷菊漫相催
沐希甫葉道亨約會於太華寺雨中用杜少

陵韻一首

野竹幽花夾道迎絳園金刹望中明海天風色雲籠樹山國春寒雨滿城最覺龍鱗圖畫潤生憎鳥羽毳衣輕迷源復作留連住尋壑猶能窈窕行

正音頗不
可也

霜林金碧迷青紅木葉蕭蕭澄遠空長湖洲渚亂
吞吐上方樓殿森玲瓏廊僧暝汲怯寒溜舟子夜
語驚天風朝曦照檻堪一望羨爾冥冥高遶鴻

石岡沐公希甫輓詩

幾醉錦筵金叵羅忽騎天駟上天河霸陵猶記將
軍獵沛邑能忘猛士歌春寒澤畔經過少日暮山
陽涕淚多露雞霜蒿悲自古蹊桃營柳奈君何

關索廟

關索危嶺在何處猿梯鳥道凌青霞千年廟貌猶
生氣三國英雄此世家月捷西來武露布天威南
向陣雲賒行客下馬一酌酒候旗風偃寒吹笳

高峽村除夕

海濱戎旅久忘歸獨對朝嵐與夕霏莎徑晴沙采
樵路柴門春水釣魚磯太平時節身難遇流轉風
光賞莫違街鼓市塵渾隔斷村春隣火自相依

謝同鄉諸公寄川扇二首

鳳篔分封到海陬魚絨千里自巴邱綺寮白晝懸

一管雲
扇也

櫻音影夫
似拂而
小即今
丁香

明月玳簾朱炎借早秋
紈素底須誇音給卷盡蒲葵耐
可污銀鈎仙家玉雪勞
相贈詩苑瓊瑤愧未酬
對青筠膜漬霞斑渥紫
櫻膏鍊月顏櫻小自覺金
風爽仙馭誰將玉雪灑
人寰薛濤歌裏揚清嘒
卓女吟邊障遠山萬里
橋西銷暑會幾回瓊樹
夢中攀

即席贈樊九岡黃梓谷

中涓西蜀兩高人良會
通家及上春青歲掛冠
甘隱逸早時揮塵靜風
塵身閒正好啣盃數情
洽何妨命駕頻更與衡
門添盛事聚星堂上繼
荀陳

贈內

迢遞鄉關隔益州歸途
雨沛更雲油重看周雅
歌祁父又聽陽關唱杜
秋明月迥臨天左界寒
霄回夢浪西樓五紋絲
履休勞寄好看生兒似
阿侯

壽叙菴司馬弟

生辰正月十二日

酉君初度早逢春千里
相思隔錦津棣萼連枝
情不盡筆花池草夢何
頻廟堂閒却絲綸手山
水能娛樂壽身繞膝斑
衣當蔗境何須止酒負
芳辰

送胡東渠少參致仕歸晉陽

醉紱辭榮賦北征急流勇退見高情元龍湖海多

豪氣長孺朝廷有直聲胡曾為郡不塵世已破枕

中夢杯酒况兼身後名祇恐清風遺遠徼聊將公

是托詩評

與諸弟別樂菴弟約有江陽之會

中宵風雨早來涼謝草春池別夢長綠野開筵聯

玉樹紅亭離思結垂楊通波直下無千里明月何

曾是兩鄉白晝看雲何限意佳期良晤在江陽

宋潛溪方遜志二賢祠亭陪東阜翁齊坐

青蘿太史赤城仙祠墓東西近接連江漢炳靈遷

謫地乾坤正氣革除年華池澹佇滄浪水栢寢寒

通雪嶺烟不向一臺逢二妙何由投簡和新篇

合州舟中次韵王孔昭名嘉賓

馳暉易逝髮難玄屈指驚心二十年北渚離愁芳

草外東風歸信落花前煙開巴峽銅梁秀月照涪

江石鏡圓栩栩瀛洲還舊夢嚶嚶喬木又新篇

雪後魯前溪憲副夜過曾名鈞

樹音許忻
暢貌

閒門寂寂夜先扃窮巷俄傳暢轂經過馭牙聲
已到熒煌騎火夢初醒淮山桂樹懸鄉月漢節梅
花照客星清興不辭淹雪棹濁醪還共醉雲亭

晏寢漫興

少年愛睡苦不足鷄鳴催入承明宮蹠躩金珂響
斜月丁當玉佩搖迴風共憐人馬輝光異肯信簪
囊拍攣同老便晏寢北窻北起看日生東海東

重寄張愈光

海客張公鬢已蒼豪遊曾結少年場古文金碧盤

龍虎麗句瓊瑤琢鳳凰尋壑徑丘穿窈窕倚樓看
鏡立滄芒朔風鴻雁傳消息明月青山隔幾鄉
海裔江湄獨倚樓瑟居匏繫又驚秋菊花黃處回
青眼楓葉紅時對白頭少日聲名追杜甫暮途鞿
絆晚莊周九龍尚有臨池興一鴈能忘遠札投

寄藍玉夫

名田

四海風紀藍御史廿載逃名即墨城青冥鴻飛日
月白紫淵龍卧波濤清晴窻香芸拂蟬蠹春谷喬
木歌嚶鳴總角權遊忽衰老握鏡愁看華髮生

蟬音淫

與露同

登海寶寺望侍御唐池南琦別業因贈

橫紫煙光疑上方人家宛在水中央一重一掩肺
脯地某水某丘遊釣鄉憶我頻年枉書札與君連
日醉壺觴詩瓢不似山人瘦大雅堂高接盛唐

夏日抱病幽居

抱病閉門誰與同隱几焚香長夏中槐花細灑鶯
黃雪芭蕉斜扇青鸞風蚊雷無賴鼓昏黑螢火多
情流暝紅墨池過雨積新溜一部鳴蛙何大雄

泛蓮池晚歸

舸音同舟
名
騰音成

柱柁蘭舸泛碧漪芰勝蓮蕩倒芳卮十三廡足傳
情徧二八蛾眉度曲遲玉樹風前人散後金波水
上月明時良辰勝會應難續風雨連宵惱別離

兩湖葉道亨泰招飲過湖晚歸

楊堤葉嶼迥相隣東主西賓意自親促席忽披千
里霧歸舟重醉兩湖春沙邊漁火明還暗樹裏人
家認未真已訂魚鄉鷗社約片帆何惜往來頻

寄楊弘山都諫士雲

螭頭早掛進賢冠跡遠東墀玉笋班倦意已還飛

鳥外歸心元在急流間仙郎高議留青瑣學士新
詩滿碧山十九峯前同醉處夢中瓊樹幾迴攀

唐僖宗行宮遺礎次熊尚弼侍御韵名相

唐帝行宮有露臺礎蓮幾度換春苔軍容再向蠶

叢符王氣遙從駱谷來萬里山川神駿老五更風

雨杜鵑哀始知蜀道蒙塵駕不及切僧渡海盃礎今

在僧

丁丑九日

燕臺九日罷登臨節物蕭條入楚吟關塞驛驕迷

去路朔風鴻雁滯歸音仙遊御宿山川遠白露清

霜日夜深雲際側身愁北望天涯懷抱可能禁

巳卯九日登高

采采黃花不滿衣暝煙起望自朝暉馬卿病裏芳

菲晚宋玉愁邊節序非落水流波如有意來鴻去

燕故相違消除強醉清樽酒歸掩田家白板扉

庚辰九日聞金鶴卿張惟信有彭門之會疾

不克陪

一別黃金萬里臺孤城三見菊花開雲移北闕沾

恩宴日遠南山獻壽杯抱病江天常閱寡關心時
序獨徘徊高人喜共登高會咫尺彭門阻一陪

定州書事

此地去年新駐蹕行宮曾榜太平門堯樽置酒中
衢溢梵宇揮毫古塔尊漢帝樓舡窮島嶼周王車
轍滿乾坤多方獨使勞神武諸將何由答主恩

中秋禁中對月

漢家臺殿號明光月滿秋高夜未央銀箭金壺催
漏水仙音法曲獻霓裳路車天遠鸞聲靜宮扇風

多雉影涼千里可憐同此夕美人迢遞隔西方

四月廿日侍班紀事次金鶴卿韻

金殿朱衣引陛前紫微清蹕從乾旋登庸已卜璿
璣正顧命先從玉几傳雨露恩垂周壤徧星辰影
動泰階連詞臣况有如椽筆好學王褒頌得賢

送熊維藩尹婺川

驪駒載道何駸駸飛鳧遙下蠻江潯鴻雁不度牂
牁國虎豹常啼楓樹林鳴琴仙室白日靜鎖印公
堂朱夏深冰蘖肯移清吏節弁裳須服遠人心

張崇象 薛新居

碧山學士居茅屋錦里先生過草堂
森森龍池接溝水啾啾雀樹隱隣墻
何人問字能携酒有子攤書解滿床
巴曲肯來收下里楚歌還擬和滄浪

送高三峯公韶守大理

赤鷹青驄近侍臣碧鷄金馬問行頻
南荒瘴厲禺山夜北渚烟花洱海春
千里風謠采芳訊十年雲會阻光塵
賜金已見先華省鳴玉終期上紫宸

次韵席仁同春遊昭應宮

佩聲齊下日華東朝退春遊有客同
却轉河堤晴靄外迴瞻宮闕曉雲中
曲江池泛仙源碧下苑花交御宿紅
瓊玖木桃酬未得青門紫陌興何窮

尚書九峰孫公壽詩

百尺貞標澗底松四朝公望想儀容
星辰衡岳當朱鳥雷兩湘江起卧龍
白雪郢歌翻壽曲青雲奕葉繼仙蹤
天瓢滿注供春雨三島遙應接九峯

送福上人還青城

青城三十六高峯寺在青峯第幾重
飛錫曾聞經

赤水音貌

鷹與獬同

雪嶺結茅常愛住雲松花飄香界諸天兩金吼霜
林半夜鐘傳語禪關休上鎖虎溪他日會相從

慶成宴次張惟信韻

太乙天壇望燎回九重春宴選辰開廣庭列坐瞻
華袞合殿飄香入玉杯海宇謳歌千載遇雲門隊
舞八荒來共憐彩筆飄搖賦獨有金門侍從才

送毛東鎮

給諫用成之子

憐君忠節之子孫公車待詔重高門江湖魏闕子
年遠暮田丙舍鐘繇存伏蒲內殿有膝跡請劍上

方猶血痕鳳雛驥子定須繼德羨吹簋非爾倫

入詩次韻劉潤之歲暮見懷

江曲橫煙遠樹低衡門榛草晚萋萋美人明月勞
相憶遊子浮雲夢不迷桂水舟航天塹北松州車
馬雪峰西愁來擬對公榮酒醉裏放歌嚴氏溪

次祝鳴和中秋對月韻

閣夜試看中夜月桂花正在散花樓仙客星軺下
碧漢美人舊隱懷丹邱已聽笛奏亂歸思更對窗
光驚醉眸一水盈盈隔千里佳期不共謝莊遊

塹七豔切
坑塹也
又遠城
永也

高泉臨行再賦此以別
異鄉流落倚名公公去窮荒望益窮客路萬三千
里外仙居七十二泉中昌黎仰斗台光遠靖節停
雲時雨濛鰲羽涸鱗去安所翺飛川詠幾時同

七言排律

寄題楊凌泉水木清華堂

宛宛闌干石徑斜悠悠水木湛清華橋通玉局仙
人館隣接金繩太士家翠鎖渭川千畝月紅蒸杜
曲一園花劉安招隱歌叢桂屈子離騷賦折麻嵐

靄望山堪拄笏陌塵流水任行車閭兒好掃青苔
辟欲把新詩落墨鴉

觀三塔寺龍女花

天女來看龍樹花空香隨步惹瓶沙烟花點綴慈
雲薄韶景留連慧日斜鬢髻曉露三昧雨羅綿夜
妬六銖霞偷啣野鹿羞塵世共命巢禽隔海涯水
泛暗通金母島風飄曾到玉皇家誰教博望來西
域不並蒲桃上漢槎

高峽積雨始晴逢簡西島

長湖射雨萬鏃雄屋角掛龍池飲虹亭亭玉筋繞
山閣森森銀竹圍屏風織女下機絲暑野綃人入
市珠跳空畫圖未盡輞川妙詞賦詎信陽臺工停
雲已拖楚練白倒景忽放燕脂紅綠蟻幸自盈鑿
落黃鷄不用歌玲瓏

五才坎德迥靈長萬里岷山始濫觴流漢天迴經
灑潏盤渦谷轉下柴桑楊開左蠡曾潭府大壑歸
虛廣莫鄉天遣陽侯分淼淼帝咨神禹畫茫茫岑

青翠觀鮫人館水碧金膏龍伯堂景浴陽烏朝旭
早歆然陰火夜霞光烟寒星散三洲樹風致雲飛
百尺檣鶴子鳧雛喧澍雨紋螺錦蚌映翔陽籠筒
津鼓鷺浮客欵乃漁歌屬赧郎泗磬石鍾鐸島嶼
輕漣頻彩媚滄浪投鞭堪笑苻堅策靜練難廢謝
眺章彩鷁退飛休借問白鷗浩蕩信徜徉

太史什菴全集三十一卷終

太史升菴全集三十二卷

青翠鸞鴦入翰水泉金膏請前堂早春期無陳
早始然劍入外霜寒因寒星錯三階海風疑雲
百尺斷鱗千尺蟻直樹兩姑點點軸短隄湖瀟
新楚蕭然容吳之魚烟風秋雨四卷不難論是與
雖數隨深散會
後

太史升菴全集三十二卷

成都楊慎著

從子即有仁錄

維揚陳大科校

新都周參元重刊

天五言絕句

春 青橋夜宿

驛亭臨白水石榻滿蒼苔遠客渾無夢江聲枕上
來

宿華亭寺二首

花樹高於屋紅霞夜照人
聲聲枝上鳥也似惜餘

春

天風與海水鳴籟隔山聞
半夜衣裳濕清朝樹樹

雲

雨夕避漏起坐二首

滯雨蒼山夜停燈伴獨愁
詰朝明鏡裏華鬢颯先

秋

太史其二全集三十二卷

雲房遷雨榻枕席簾盆罌似向東林宿蓮花滴漏

聲

積雨始晴

霽曉憑高處涼風吹我襟
海天堪倚杵嶺樹小如

簪

三塔秋日

始見椒花綠又驚椒實紅
客心正鬱鬱作底對秋

風

陽橋寧

澗壑浮白雲俯瞰低於馬雲開見青松又在澗壑
下

西路雜述五首

沙遠名乾海坡高號望城海曾無滴水城亦是虛

名

如其二

路學盤蛇上人緣磨蟻旋深於小有洞陰過大漫

天

其三

濯足倒流水回頭相見坡馬嘶人又倦落景在烟
蘿

其四

虎穴猶能入猿梯亦可臨把關苗子面開店主人

心

其五

峭名一碗水坡號半邊山疲人倚石磴渴馬飲水
湍

即事一絕

蘋末清風起涼生近水樓盈盈樓上女齊唱楚江
秋

四月五日夜與敘菴末菴樂菴得菴話別集

句

鼎鼎百年內一別一回老欲知萬里情坐對青燈
曉

西蘭圖

蘭為君子佩植根不當門幽谷發遠馥九畹詠王
孫

春 又

蘭為美人採蘋藻掩芳潔沐浴助精裡豈為鄉澤

設

却 又

蘭為仙姬名升雲女几山玄景入天上名字留人

間

亦 又

蘭為王者香鬱壘薦清廟倚倚有遺音併入瑤琴

調

嘉州登舟

馬上風塵倦登舟似到家雨晴涼意足含笑對江
花

渝江登陸

來往舟如屋相隨一月期登途不忍去翻似別家
時

又

曠野惟看樹高城不見人新梅臨水發照影為誰
春

馬枋橋

無柰旅懷多村沽引睡魔醒醒不成寐楓葉助吟
哦

青橋驛早發

遠客貪晨發三更夢已回江聲如驟雨吹到枕邊
來

白石羨

童子報仙翁白石羨初熟坐客不須嘗歸家掌破
腹

掌
折平聲
俗作撐
非邪柱
也

普魯基曉發

霜華重于雪，星光明似月。喔喔荒鷄鳴，蕭蕭征馬發。

自安寧之高峽李蔡之走馬相迎

遙岑昨夜別，獨樹今朝迎。高峽連榻處，清話到三更。

夜行安慶

風順月仍明，扁舟半夜行。鷄鳴問前路，已近九江城。

宿鯉魚山

投暝宿前壑，占風夜未闌。月沉鴻雁渚，雲起鯉魚山。

夕上江陵

熒熒沙市燈，統統黃潭鼓。悠悠隱後帆，遥遥認前渚。

其二

水落沙澍寬，鴈聲驚早寒。舟子夜不寐，北風吹竹竿。

射亭

飛雨花前疾鳴駁風外聞當場誰破敵王粲始從

軍

其二

螳川獨泛二首

柳市村村接松燈點點明家家傾蟻酒夜夜鱸魚

羨

其二

月遊渾似畫水泛不知寒星留鵲魚躍雙枝起鶴

盤

月夕獨酌

夜沽東橋酒醉聽熨童歌羈人不作樂其如鄉思

何

春二首

海風吹海樹十日閉門中坐惜繁華過墻頭數落

紅

其二

行樂三春好春來轉劇愁鄉心悲遠望莫上最高

樓

艤 與機同

舴 音黃

楊升菴

陪盛德章春泛

中洲歌采芳曲渚艤歸舳風起春江晚飛花點石

梁

其二

鐵鸚武歌

蜀中名駕鸚雲南號鐵鸚武即伯勞也

可憐鐵鸚武常鳴五更前愁人抱暝卧聲聲到耳

邊

春二首

寶珠寺

遙望瀑布泉徙倚雙杉樹繫馬幾度遊徘徊不能

去

良久留酒

觀音寺

雙樹依山曲青蓮有廢臺遊人不肯入却似剡溪

回

雲房寺

海葢燒空艷山篁拂座涼胡僧書跡在指點古雲

房

清淨寺

淨域無塵雜風花落漸多空門元不閉屐齒未曾

過

楊升菴

三十一卷

屐 音極木屐履屬

寶印寺

曲徑餘榛路穹碑剥蘚痕空廊僧不住鄰媪為開

門

寶曇寺

千仞崇山頂清泉何處分涓涓石澗底一派下青

雲

圓照寺

橫枕山窻裏月明林影動禪心炯不眠寧有巴山

夢

筇竹寺

博望南行路昆池杳若天自憐遷播客一住已三

年

黃龍龕

看碑籍草茵倚杖忽移辰絕域驚文藻飄零愧古

人

寺有楊仲弘碑文

正覺寺

隱隱村圍寺亭亭竹繞門還期長夏日坐嘯辟疆

園

海源寺

海眼藏雙樹峰頭壓百尋靈鈞遊未遠不見石為

林

五覺寺

龍華寺

空宇三禪寂荒林七聖迷閑來邱壑興那復問東

西

黃龍寺

妙高寺

絕頂愁飛鳥丹霞隱林抄孤僧早閉門熒熒佛燈

小

龍華寺

普吉菴

松箐一何深細路縈百折行人歇松陰羸馬食松

葉

春日過山家

山床壓春酒滴作澗泉聲與君終日醉松風吹復

醒

雨後見月

雨氣歛青靄月華揚彩曇戲魚蓮葉北驚鵲樹枝

南

陽

卷

卷

卷

題竹

帝子瀟湘渚乘鸞嫋嫋邊可憐江上竹猶帶古時

烟 兩餘良月

存歿絕句

何遜重泉別范雲清淚多他年淮隱處腸斷八公

歌 春日臨山宋

右何仲默

章句傳燕國風流有薛君千年濠上意窅窅向誰

云 普言春

右薛君采

東京崔子玉卧病隅清漳天上青藜燭何人白玉

堂

右崔子鍾

張公滄海客大雅起滇雲未許乘槎去蛟龍射斗

文

右張愈光

碧雲停日暮華月照芳池夢回歌玉樹病渴憶瓊

枝

右余懋昭

近有錢塘信斯人亦可傷更憐新特在猶喚舊江

郎

右江景孚

一帳遼東鶴千年竟不歸夢魂迴永夜相見是邪

非

右劉汝楫

一疾綠醫誤孤蹤住世慵淚痕添沫水名字見岬

峯

右安公石

飲祁氏園

今日花前飲祁園是習池山翁不茗芋爭奈葛強

兒

荅段德夫水部 四首

自笑穉康懶雲林絕舊交寧知千里翮肯問一枝

巢

天涯戎旅春一十五回新多情花與鳥歲歲有留

人

茗與酉同
茗者茶晚取

幽蘭深谷底感此歲芳徂欲問丹砂訣吾非勾漏徒

漢上題襟句梁朝水部才錦書何處至羅戶為君開

代贈二首

獺膽杯分綠猩唇脂印紅雙歌連理曲並醉合歡叢

南壩迎郎來西壩送郎去回身掩空閨月明天未曙

太史升菴全集三十二卷終

太史升菴全集三十三卷

高田吹對林平田吹林員 成都楊慎著 與如好檢

出校

從子 有仁錄

維揚陳大科校

新都周參元重刊

五言絕句六句附

留車 虛湖曲四亂為劉少鄰賦 谷賦 覆青雲 必賦

滇湖湛空碧光景涵太虛主人湖上家結舫水中

居 豐 魚 水 賦 賦 萬 興 創 火 曾 有 無 或 壑 却 不

湖壘通九淵湖鏡涵萬象陰火宵有無波塵時下

留連非魚鳥潮洄豈蕙蔭明月浴灑露青雲汲流

霞

搖筆泳漣漪蟠甬生沆碓因之滄浪吟湖亭記余

邁

出郊

高田如樓梯平田如棋局白鷺忽飛來點破秧針

綠

招董西羽

朝向城中來夕向城中去獨夜一微吟攀留桂之

樹

寄承冰壺

紫翠隱丹房仙人在上方欲往疑無路白雲封點

蒼

搥衣杵

山東女子趙小錢年十五為賊所掠
罵賊不從以搥衣杵擊賊遇害事聞
詔旌其門

鈞章

戕賊金鈞擊賊搥衣杵今見趙小錢昔聞楊愍

楊升菴

卷三十三

二

梵音飯

女

普賢寺

香閣影波心叢雲萬木深月明清梵夜遙應海潮

音

進耳寺

蠻村藏古刹窳堵粉如雲寺圯殘僧少鳴螺寂不

聞

悟空菴

一龕如燕凹中有貂璫塚石麟卧青蕪烟交春茸

凹音坳又古話切去聲

璫音當

茸

太平寺

忍草迷香徑空餘屋數間香爐烟不起苔蝕鷓鴣

班

松隱菴

松菴饒古松露鬣交雲尾蘿徑少人行日暮嘯山

鬼

金馬寺

東林金馬寺南亭金馬關往來皆馬客試問誰者

白龍寺

詩人張禹山喜用白龍字何事獨無詩留題白龍

寺

羅漢寺

覺路花非染靈山草亦香虛空即此境何處覓空

王

太華寺

古地新蘭若標峰冠彩霞碧波臨萬頃指點見星

槎

妙湛寺

廢刹臨官渡香臺夜景澄僧言龍火焰却是打漁

燈

積翠巖

翠巖隱玄龕苔徑無鳥跡不見煮茶烟那知有禪

客

恩波池別劉潤之

酌酒臨池水回舡拂芰荷匆匆馬上去留興與烟

波

毛東鎮過高峽同宿作人名詩一首

釣石崇遙岸樵林放遠山東園公肯過桃李照衰
顏連濟包明月今夕茲無還

月儀帖

鸞鷲開二妙蠶尾見征西花蠹暉銷壁香蟬跋認

鷲不逢華蓋叟誰與重鸞尾梁元帝古跡啟鸞鷲

時之巧又顯之于蔡邕山谷詩惜無征西蠶尾
手為寫黃門急就章征西指索靖也華蓋山
宋仲溫模為拓本也月儀帖秘閣續刻尾有鷲
字東坡詩我今久闕筆不寫紙尾鷲

鸞音碧

鷲音衣

鸞音抵

鷲音回

玉臺體

流盼轉相憐含羞不肯前綠珠吹笛夜碧玉破瓜
年滅燭難藏影洞房明月懸

調絲曲房下援鏡綺窗西粧罷金星出歌殘璧月
低留歡夜未足恨殺汝南鷄

成里盛豪華聯翩赴狹斜寶闌圍鬪鴨金瓦擲鳴
蛙歸騎春城晚風吹滿路花

箋歌歇晚涼桂楫隱回塘珠佩雙臯冷羅裙十里
香錦書隨綺翼持報邵陵王

七星關漁者

石澗無通水漁舟反上山得魚隨馬賣抱獺趁鴉
還問爾江湖興茫茫若夢間

枕上

君莫笑萍梗來往上滇雲我本聖之徒七十而從
軍沲若竟何益濁酒且酣欣

卧佛

金仙疲津梁雲卧恣天行菩薩歎退位未盡區中
情二諦憑誰解松風與水聲

紉甲麗人

銀甲卸彈箏花從玉指生逡巡捲羅袖掩抑捧金
觥莫摘相思子瓊枝最有情

秋晴遊海源寺

林壑散烟霏鐘鼓喧清曉日氣抱巖陰虹橋上雲
杪離鴻海島來疑是三清鳥

楚江曲

巫山花已紅楚水波新綠兩兩浣沙人照影鬪粧
束笑問竹枝詞何如采蓮曲

楊子卷
東笑雨霽龍門泛舟泝流回作

江干新雨晴江纜新流上舡頭轉雲峯舡尾疊花
浪中洲蹇誰留渺渺臨風望

太史蕭宗樂半閒園八詠 蕭名與成

詔許歸蓬華性本愛邱山臨水知魚樂披林共鳥
閒勞勞車蓋影渺渺隔重關 右靜觀堂

高人厭世氛亭子枕孤雲宇定天光發風清地籟
聞此君相對處幽意許平分 中虛亭

瑶草岩姿麗金沙海色新射干翹鳳羽薜荔長龍

鱗謝氏芝蘭砌還聯玉樹春 交翠庭

早歲辭芸閣歸來卧蕙櫟已寤邯鄲夢猶註逍遙

篇郊扉未可閉洪崖時拍肩 忙中閒處

后皇嘉樹底香影覆秋盤樵子逢王質幽人對謝

安興來歌楚頌策杖暮盤桓 橘樂山

太乙遙分種紅雲仙島香爽氣金莖上恩波銀漢

旁田田新味好留刻戲魚堂 蓮池

三脊羞封禪靈瓊續楚辭綠樽藉芳草彩筆賦山

茨千載青霞意應同孔稚圭 茅閣

宮錦換漁簑浮家倚芟荷月邀三太白水漾百東
坡擊汰歸恒晚鮫人識棹歌浮軒

自滇歸高峽留別胡在軒名廷錄

乘風歸吾廬臨水飲君酒顛倒白接藕攀折青陽
柳相望片帆程相憶能來否

避暑林亭

几席近漣漪枕簟依林樾琴聲遏流水扇影却明
月涼襟何道遙炎敲坐超忽

高峽十二景詩滇中集

翠岩晚霽

金碧染峰端嵐沉暮霽寬趁虛穿翡翠刻竹坐琅
玕海氣如圓窰分明入畫難

碧關朝霞

荒雞啼未歇關樹起栖鴉碧海先迎日青峰遠上
霞行人衝曉去高卧是誰家

芟塘去帆

挂席樵風便須臾半海心漁洲寧似月津樹小如
簪隱隱猶能認斜陽半幅金

水雲歸棹
舡隨魚浪去人趁虎墟歸水葉晴縈楫雲珠冷澱
衣家家松火待香霧滿柴扉

淨洱山帶

秧針病夏畦土脉望朝隰忽見雲雙帶懸知雨一
犁田家無甲子占候在簷西

羅藏水椿

屈虹如赤杵海童呼水椿對面雲生礎回頭雨打
窓溪翁占信熟生長在魚邦

八村魚火

村村暝色凝稍稍暮寒增葉竈蒸藜火蓬窓結網
燈委波金不定稚子夜搬罾

九寺僧鍾

金碧招提接先鳴何寺鍾夕烟連戍鼓曉月起村
春誰道空門靜聲塵未息踪

南巒松雪

南巒松雪外積素翠濤連詩憶顏光祿
雪書懷趙集賢趙孟頫號松雪興言千載後獨酌寄陶然

東林桂月

叢桂小山幽風清月復秋冷然仙馭下婉若影娥
留遙夕東林夢應過白兔樓

梨園春遊

名園絲水傍遊女出滇陽竹葉沾春酒梨花洗晚
粧醉來迷眼處疑是白雲鄉

蓮池秋泛

新粧搖畫舫倒影駭天吳翠蓋波心出紅雲水面
鋪欲知臨泛久荷露漸成珠

太史升菴全集三十三卷終

百餘徐及泉相送至斜堰河二首

滇隅流落髮成絲為憶家林惱夢思沃野喜看平
似掌春郊載酒正花時

又

長溝流水引都江斷岸危橋窄石缸並馬不知村
路遠更穿斜堰渡驚瀧

菜子花

菜子花如黃金色想見蘭膏春盡碧貧女梳頭水
當油那知襟解聞蕪澤

噫音獲噫
噫和也

秋夕稍涼坐藍珠樓即景

涼牖方開一幅天疎星點綴冷金箋噫鳴鴈過橫
斜字寫出秋聲賦一篇

水水仙花四絕

凌波微步洛川旁合與江梅競晚芳不見當年林
處士西湖配食水仙王

又

金盞銀臺映綠樽清香况復賽蘭蓀祗應岩桂為
朋輩未許山礬作弟昆

瑶池阿母惜幽芳青鳥東來未許將小玉雙成
都睡去一枝傳自段安香

又賦酒會水山王

乘鯉琴高採掇新蔚藍天上少紅塵黃姑渚畔
湔裙水不是人間妬婦津

徐宅百日紅燈娘一盞

李徑桃蹊與杏叢春來二十四番風朝開暮落
堪惜何似雕闌百日紅對明景

十里喜浮橋成外鰾香

臘尾江頭綻早梅浮梁銀漢亘昭回不須桂楫
迎桃葉步步金蓮夜夜來

醉韻月夕見美人過浮橋

鴈齒螭頭影動搖金波玉鏡夜迢迢忽逢羅
鞵輕盈步疑是鮫人出賣綃

會歌丁巳五月五大熱追涼江山平遠樓

平遠江山四望開颼然風至似蘭臺披襟便覺
涼如洗一任城頭暝色催

颯然風至似蘭臺此地那容熱客來姑射風姿冰
雪妬班姬團扇漫多才

丁巳元宵韓員菴送燈

多病新春減醉狂元宵作劇懶逢場華燈珍重勞
相贈繡佛前頭禮定光

滇海曲十二首

梁王閣榭水中央烏鵲雙星帶五潢跨海虹橋三
十里廣寒宮殿夜飄香

又西南敵景身

碧鷄金馬古梁州銅柱鏤橋天際頭試問平滇功
第一逢人惟說潁川侯

又

化城樓閣壯人寰澤國封疆鎮兩關雲氣開成銀
色界天工斲出點蒼山

又

葉榆巨浸環三島益部雄都控百蠻神禹導河雙
洱水武侯征路七星關

沙金海貝出西荒
桃竹撞華貢上方
香象渡河來
佛子白狼繁木拜夷王

又

硯房草閣瞰夷庭
側島懸崖控絕陁
雞足已窮章
奕步驚頭空入梵王經

又

狐成平沙望大荒
邊愁海思入滄茫
帝鄉東北仙
雲隔梵道西南媚景長

又

昆明池水三百里
汀花海藻十洲連
使者乘槎曾
不到空勞武帝御樓船

又

湖蕩魚鰕晨積場
市橋燈火夜交光
油窻洞戶吳
商肆羅帕封願梵婦妝

又

蘋香波暖泛雲津
漁柁樵歌曲水濱
天氣常如二
三月花枝不斷四時春

也音商榷

楊子菴

三古卷

五

差坐平声
鹹也
杭音耕
者之不粘

黃海饒郎暝漉沙避風估客夜乘槎雪浮杭稻壓
春酒霞嚼檳榔呼早茶

海濱龍市趁春畬江曲魚村弄晚霞孔雀行穿鸚

鷓樹錦鶯飛啄杜鵑花

白崖

雲開遠見彩雲州一片烟嵐鳥外浮還見前年山
下路密蒙花發艷新秋

素馨花

金碧佳人墮馬妝鷓鴣林裏鬪芬芳穿花貫縷盤

香雪曾把風流惱陸郎

戴南方草木狀貫花繞髻今猶然

陸賈南中行迎云南中遊女以采絲貫素馨為飾事

光尊寺別張愈光

萬里炎荒萬里身銷魂何事別離頻光尊寺裏桃
應笑回首東風九度春

夢中作宮詞

丙申秋七月二十四日

長信宮中夜未央斑姬團扇畫秦玉三更雲屋西

靚情去
女宏

風起翠粲紅羅滿玉霜

粉團花

靚飾豐容膩玉肌輕風渥露錦屏幃
釵頭懶戴應嫌重留取餘香染夜衣

桐梓驛元夕

戴石孤峯古驛門青羌吹角報黃昏
三家村里無燈火千樹梅花作上元

胡蝶戲真珠花

漆園仙夢到綃宮栩栩輕烟裊裊風九曲金針穿

不得瑤華光碎月明中

山茶花

綠葉紅英開雪開黃蜂粉蝶不曾來
海邊珠樹無顏色羞把瓊枝照玉臺

泛滇海歸感舊口占

談笑已無錢匙月風流不見李華仙
漁村酒市經遊處斜日寒林鎖暮烟

寄漢州太守劉仲粟

名琮吾師南峯侍
郎諱文煥之子

南峯桃李徧峨岷白髮門生今幾人
東閣郎君今

健否何時同醉鴈橋春

雨中漫興東泓山中溪洱臯

風裊芭蕉羽扇斜雲峰台壁對簷牙滿城連日黃

梅雨開遍金釵石斛花

又

簾紋如水帳如烟涼氣先秋到枕邊蚊脚蠅頭跡

如掃右軍羸得靜佳眠

又

青山繞屋水周堂枕底潺湲夢裡涼階下濯纓憐

孺子吾廬應即是滄浪

又

雨聲蕭寺喜留賓窻竹簷花更可人莫道相如徒

四壁壺中猶有錦江春

夏夕

湘水魚鱗冷簾文博山蟲篆罷鑪薰開窻對影延

新月坐愛金波洗火雲

戊申高峽中秋風雨

人家一片海心浮彷彿樓臺似十洲不用梯雲取

明月水晶宮裏度中秋

題漁娃圖

碧玉聲沉督井邊
綠珠魂斷舞樓前
風流畢竟輸漁父
醉擁漁娃盡日眠

竹枝詞九首

夔州府城白帝西
家家樓閣層層梯
冬雪下來不到地
春水生時與樹齊
日照峯頭紫霧開
雪消江面綠波來
魚腹浦邊晒網去
麝香山上打柴回

江頭秋色換春風
江上楓林青又紅
下水上風來往慣
一年長在馬船中

寂高峰頂有人家
冬種蔓菁春采茶
長笑江頭來往客
冷風寒雨宿天涯

青江白石女郎神
門外往來祈賽頻
風颭青旗香雨歇
山桂花開瑶草春

紅粧女伴碧江濱
蒲草花簪茜草裙
西舍東隣同夜燭
吹笙打鼓賽朝雲

神女峯前江水深
襄王此地幾沉吟
擘花温玉朝

音韻

颭聲

音韻

朝態翠壁丹楓夜夜心

上峽舟航風浪多送郎行去為郎歌白鹽紅錦多

多載危石高灘穩穩過

無義灘頭風浪收黃雲開處見黃牛白波一道青

峯裡聽盡猿聲是峽州

方云與劉禹錫異時同工

...

...

...

...

太史升菴全集三十五卷

軍樂齋文譜思我娘 成都揚慎著

...

...

...

七言絕句

狼山凱歌

狼山原上陣如雲孟瀆河邊早策勛水弩解清川

后浪天戈能駐魯陽暉

舊統邊軍赤水犀新封京觀是鯨鯢文昌奏入中
黃霽武庫兵收太白低

按轡收兵楓樹林絕流飛渡早傳音風前鷓退吳
山靜月下龍吟江水深

關山新月照鳴笳河朔清霜淅劍花塞上征夫猶
萬里北京歸路敢言賒

玄草清霜飽紫駟雕戈畫戟擁清油歸來始識從
軍樂痛定翻思在賊愁

嫖姚身健驕驕肥立近天家日月旂忽報內庭傳
聖旨掛紅分隊出黃扉

鷺鼓聲中曉日曠貔貅初散鳳皇門才從魏闕瞻
中宸便入容臺飲上尊

去時官柳萬枝黃歸路寒葭滿地霜挾纒已温良
月候吹綸更作小春芳

三軍喜氣失嚴冬萬里中原罷戰鋒甲帳籌功星
兩兩午門傳捷日彤彤

無定河邊望旆旃居延城外候烽烟家家喜語占
烏鵲不用金釵當卜

錢方豪云此為詞苑一時擅
場惟何仲默十二首可與

並傳

峽裡青山夢裏過
曉來春比夜來多
開蓬試看江頭路
樹榭殘梅照綠波

望片條

征馬長鳴向北風
嶠關回首暮天東
太行過盡中條出
一路青山白雪中

春郊即事

楊柳垂垂曲水濱
驪車日日送征塵
春來莫怪枝

條少無限臨岐折
贈人

果園坊裏杏花開
公子邀歡載酒來
醉落殘英千萬片
馬頭更折一枝回

白蓮

三首

凌波仙子白霓裳
風助精神露洗粧
曾向蕊珠宮裏見
人間何處有紅芳

又

玉立亭亭笑粉光
浣沙人在越溪旁
鱗宮貝屋難留住
合上吳王白玉牀

風清月皎露華涼深隱花叢暗遞香寄語玉人休
折盡夜深留伴睡鴛鴦

寄遠曲

濯錦江頭烟水綠相思萬里人如玉瑤琴別後不
曾彈今朝才理將歸曲

暮春淇館會別以道

淇水東流生晚波巴人惜別動燕歌可憐裊裊垂
楊柳奈此迢迢別恨何

黃花吟

金風灑灑開黃菊黃蝶茸茸競相逐千英萬蕊艷
且香晚來知向何枝宿

董壩

扁舟孤棹宿楓林獵火漁燈逼歲陰千里思家回
白首青山江上疊愁心

詠史

月仗雲門五彩毬御前爭睹最先籌須臾贏得西
川印便脫青衣擁碧油

魚鳧關

魚鳧今日是陽關九度長征九度還何補千城與
心腹枉教霜雪老容顏

白首摩尼寒夜擁爐有懷馬定水

行爐特贈遠行人處處溫柔鄉裏身寒夕賴君生
煖熱炭星紅噴雪樓春

且香雪關絕粒諭從者

僕痛馬病漫興嗟戎旅華封本一家我骨已仙元
不餒何須食栢與滄霞

冰雪封途馬蹄踏之鏗然有聲

積雪層冰路百盤銀盃逐馬三鳴鑿老狂不怕玄
冬冷呵手揮毫興未闌

贈賈東晦

庚寅歲作附此

蘭叟和光卧白雲賈生東晦挹清芬何人為續嵇
康傳題作楊林兩隱君

于役江鄉歸經板橋

丁亥

千里長征不憚遙解鞍明日問歸橈真如謝眺宣
城路南浦新林過板橋

三題板橋館壁

朔雪玄冬凍不開，僕夫疲馬耐虺隤。
髮毛盡向風塵白，徃復滇雲十四迴。

邱鴻夫蘇時霖楊元達聯席同宿廣心樓枕

上口占

六齒瓊頭飲百甌，水樓寒榻話綢繆。
只須棋局銷長夜，何用埋憂與寄愁。

高峽雨中悶坐，以果實散諸村童，因憶兒輩
不為全生狎楚童，自緣嬉戲感衰翁。
昨霄夢裏分

明見讓棗推梨在眼中

華亭寺僧德林送山茶花

寶地香風吹雨花，林公分送子雲家。
玄亭丈室同岑寂，相望白牛山月斜。

春帖用宋人四句例

離別江陽初餞臘，淹留滇徼又逢春。
敬恭四海皆兄弟，文字三都盡主賓。

江國梅花頭併白，高峽楊柳眼還青。
八村烟水移春檻，九寺雲山借景亭。

豐年雪霽行天馬戊午上日春還帖戶鷄乙酉旦天

運盈虛與消息吾生南北又東西

梅會齋惠金暈酒盃

鏤音菟

藥王繞窳巧製新紅綃金鏤映陶巾不須綵繡殷
勤捧花露仙醴別有春

贈門生楊靜夫北上

滇海門生廿載遙飛騰次第上雲霄衰年七十猶

羈旅誰向玄亭慰寂寥

謝平江送至廣通

明月清風渡兩橋相隨百里不辭遙共憐話別無
長夜紅燭清樽碧玉簫

二月廿二日飲段憲卿金樞樓

金樞樓上醉流霞何羨扶風豪士家丹砂唱罷初

生月燭剪銀臺第幾花

毛園萃芳亭與沈中白邱月渚同賦

繚垣洞屋鎖烟霞五色離披百種花客子看來猶

駐馬主人何事不歸家

哨聲紅雀語黃鸝知我名園賞襟英遠客應添今

夕夢海棠紅濕錦官城
 雒城一別會滇雲
 花底匆匆酒未醺
 青殿揮毫應憶我
 金梁明月碧峽分
 酥雨才收又久陽
 參差竹粉映花光
 流泉石竇停教住
 莫放輕飄曲水香

滇海花名簪底香山
 馨風味水仙粧瓊
 枝本是天邊種
 零落遐荒四拾霜

三月十八日水濱閒步

魚羨蟻酒野人歡
 且喜春殘花未殘
 無事栖栖經半載
 出門天地一何寬

楊林今日是昭關
 白首拘留未得還
 漁父浣沙渾不見
 斷腸今古淚潺湲

半在四月二日雨中
 撥悶零雨崇朝不下
 樓開窓烟外見漁
 舟今年四月寒猶
 在坐擁紅爐送酒
 籌

紀夢

夢裏江陽荔子單覺來枕上五更寒含情懶對痴
人說強向杯中覓舊歡

病渴汲樓前井花水飲之
半夜兒童汲井花老夫病渴漱雲牙八公德水何
須問甘露清冷在我家

十二月廿三日高峽大雪
朔雪如筵密不開自憐身在亂雲堆剡溪縱有王
猷棹中道那堪興盡回

佳句漁簑憐鄭谷中庭鶴竚立王恭那知執戟楊

徒音節

雲老凍卧孤村積雪中

雪滿昆池勝畫圖長吟獨坐興偏孤何如太白襄
陽道笑坐金鞍掛一壺
雪中送炭憶前人欲暖曲身成真身翠栢蒼松元
自勁歲寒那肯變天真

犯星歌四首

金沙江水繞環洲江岸家家對白鷗漁父長歌棘
人曲鹽商愛上白夷樓
餘甘結子草交頭暮靄朝嵐似蜃樓飛鳥不飛愁

韞音溝射
臂決也

羽墮行人何事遠來遊
擄壘弓營徧翠微
韞椎髻裂華衣
松林霰合騰蛇出
草屋星流暗蠹飛
十月妖花紅滿烟
萬家蠻樹綠遮天
眼中忽見渾相識
夢裏曾遊瘴海邊

興教寺海棠
兩樹繁花占上春
多情誰是惜芳人
京華一朶千金價
肯信空山委路塵
有寄

寶刀截水恨難裁
玉筋啼春濕未開
昨夜陽臺添暮雨
夢魂飛過曲江來

太史升菴全集三十五卷終

易升菴

太史升菴全集三十六卷

成都楊慎著

從子 有仁錄

維揚陳大科校

新都周參元重刊

七言絕句

溫泉再過懷李仁甫

仙源靈液蓬壺境
碧杜紅蘅慵照影
美人來時寒
谷春美人去後溫泉冷

閏七夕

閏月新秋重七日金風玉露夜如何似憐天上佳
期少特遣仙姬再渡河

星回節

忽見庭花折刺桐故園珍樹幾然紅年年六月星
回節長在天涯客路中

野鷄坪

野鷄坪邊饒雜花幽蘭石竹交山茶可憐春色浩
無主徒使騷人惱鬢華

贈箏人二首

綺筵雕俎換新聲博取瓊花出玉英肯信博陵崔
十四平生願作樂中箏
元的檀痕盡未成翔鸞屏裏闌輕盈羅虬若向今
宵見不比紅兒比玉英

中秋

四壁蛩吟白露團西園清夜為誰歡千家門閉中
秋月只有愁人獨自看

江陵舟中贈田李二鄉客

朗月寒沙夜未分玉簫金管醉中聞明朝回首沅江路愁聽清猿和白雲

宮詞白雲團西園青文為詩譜千浪門閣中

天上佳人出北方能騎白馬射黃羊玉顏長在金

輦側笑指青山是妾鄉

鳥弔山

在浪穹縣鳳集之所

鳥弔山頭鳥道微梧葉墮黃青復稀九苞文彩誰得見千古畫圖知是非

早春

江暖波光日映光幾家同住水雲鄉槿籬茅屋繁
花裡也有秋千出短墻

嘉州辟津

辟津漁父照江城城下灘聲徹夜鳴寒笛莫吹楊
柳曲故園回首不勝情

馬道辟上次韻

嘉陵江水碧迢迢雷吼晴灘雪湧潮岸曲行人愁
駐馬清猿聲在白雲霄

八月十六日遊水頭三首

易陽門外眺金天禾黍故宮秋
可憐泛泛龍渠通野井茫茫雉堞入蒼烟

馬跑泉水水西頭當日帝鄉成
古邨遙見雙林青霽合尚思千騎翠華遊

放棹山陰未擬回酒酣乘興更登臺
蒼藤古木渾無語曾見繁華幾主來

食蓮子憶師邵

錦盃曾醉碧池春回首風光入夢新
今日臨池剝蓮子却思池上詠花人

以來禽果餉熒菴

佳果東來濯錦江楚謠萍實亦堪雙
王家珍重來禽帖青李櫻桃揔受降

熒菴餉白果

霜黃鴨脚折琅玕結實累累綴蠟丸
好比仙家雙桂樹一枝留向月中攀

春望三首

東風先到海東頭春興催人獨上樓
最是晚來凝處曲曲堤烟柳似皇州

溟海風多不起沙汀洲新綠徧天涯采芳亦有江
南意十里春波遠泛花
古岸新花金碧叢昆池三百水烟通梁王閣道青
蕪國漁父帆檣白鳥風

寄葉道亨

欲截珊瑚作釣槎旋隨鷗鳥狎雲沙美人不隔他
鄉月遷客何妨着處家

書扇

墨池波染戢山雲書盡蒲葵與練裙郎君自愛家

鷄好肯問蘭亭王右軍

楊柳枝詞二首

漢東門外柳新栽拂曉長堤露眼開野老攀條相
向語去年曾被賊燒來

臨水臨風漾碧漪含烟含霧一枝枝戰塵收後無
離別又見長條到地時

張禹山云此紀彭幸菴平
藍耶二賊事也可謂詩史
可謂善誦

聖燈寺

蒼烟叢裡聖燈紅火齊螢輝照遠空元是楓林霜

葉下露華光泣月明中

汎舟昆江

杜若洲邊露氣香更無人語有鳴榔澄潭倒影天
涵水翻覺星辰在下方

詞賦得劉郎浦送人

吳蜀成婚此水旁至今江浦號劉郎停橈送客休
嘲咏不是朝雲惑楚王

聞笛

江樓寒笛起春聲蜀客扁舟萬里行吹盡落落梅還

折柳新春殘臘正關情

外知渡黃河二首

河上人家杏子花河邊人唱浪淘沙草薰風煖春
將半若个行人不憶家

廣武城邊河水黃沿河百里盡沙岡麥苗短短榆
錢小愁聽居人說歲荒

三閣詞

桃根桃葉聞春葩水調河傳穆護砂無限江南新
樂府君王獨賞後庭花

夜籤聲斷燦朝霞翡翠三千擁麗華舞罷前溪明
月下白門楊柳起藏鴉

自江川之澂江贈王鈍菴廷表并東董西泉

雲漢三首

通海江川湖水清與君連日鏡中行孤山一點衝
烟小何羨霞標掛赤城

澂江色似碧醞醐萬頃烟波際綠蕪只少樓臺相
掩映天然圖畫勝西湖

海螯江鱗四時供水蓼山花月月紅自是人生不

醞 音体酒 赤色

醐 音子酥 之精液

螯 音教東 蟹海浴

蓼 音純莠 菜

行樂蓴鱸何必羨江東

沐五華送鷄縱

海上天風吹玉芝樵童睡熟不曾知仙翁住近華
陽洞分得瓊英一兩枝

貴竹雜詠 五首

林雲菁霧不分天清露常如雨線穿百里迥無烟
火接依稀猶似燧人前

其二

綺繒纏髻作雕題鐵距穿鞋學馬蹄清曉樵斤探

虎穴黃昏汲甕下猿梯

其三

銅鼓聲中夜賽神
敲釵擊釧闢金銀
馬郎起舞妖徒唱
惱殺長征久戍人

其四

保甸坡前不可留
盤江渡頭惟一舟
驅雷役鵲無仙術
誰是尋源博望侯

其五

龍馬先朝出養龍
御前名賜飛越峯
人間神駿寧

無種天上孫陽不易逢

醉
歲

八月十三日夜夢亡室安人驚泣而寤因思
去年丁丑是日在京師安人未明興告予曰
今日趨朝不可如常日之宴蓋其日警蹕值
新狩還也今遇是日感其賢淑又小子週二
歲之醉重感賦絕句

五更殘夢正迷離
窻紙光明燭焰遲
却憶去年當此日
催人晨起早朝時

稚子今朝是兩週
新衣戲舞拜前頭
傷心孺慕聲

聲切母在重泉聽得不

龍關歌三首

鷺頭峰古接仙氛龍尾泉香石溜分爨婦洗酥凝
白雪樵童叫笛響青雲

清海橋下海波涼月白霜清木葉黃鷺鷥聯翩穿
遠樹沉魚撥刺避鳴榔
雙洱烟波似五津漁燈點點水粼粼月中對影遙
傳酒樹裏聞歌不見人

梅花絕句九首有序

余也枕疾彌旬殘臘將盡使人探梅成云
未開怪而詰之詭以春遲出戶偶見樵女
簪髻自笑曰村姑亦風韻乎戲作數詩
探梅人似放魚人只道梅稍粉未勻不向村姑釵
上見那知虛負一年春
村姑只恐是花神花信前頭報早春奇樹芳滋休
冷眼好從初地喚真真
庾嶺岩亭隴驛遙梅開忽近歲之朝折來燭下爐
前玩只恐瓊枝煖易消

開自多情落亦香殘英點綴曲堤旁織成白地光
明錦合與無功作醉鄉
閉戶先生何太痴梅花開徧不吟詩歲寒三友交
情澹却似無懷上古時
鳳鼓邊鶴膝枝孤山清夢水仙祠覺來寒影誰
能寫苦憶逃禪老補之
夜來偷醉早梅旁風致何人繼陸郎禁酒國中佳
節換樽前誰喚點酥娘
索咲尋簷花不應被花惱徹為花憎舞筵東望開

金盞渴殺西川杜少陵

放歌曾作昔年遊千樹梅花滇海頭寶髻斜簪光
照座一船絲竹載梁州

自楊林過板橋

滇中集

滇海盈盈一水遙解鞍明日問歸橈還如謝眺宣
城路南浦新林過板橋
折柳津亭雪未融酒旗燈市已春風元宵不共劉
郎醉明月青山似夢中

六月廿日永昌病卧已未歲

風天宵不共隱

涼風却暑換秋清
滇國星回舊有名
已把跳虫乘
炎火又驅白鳥靜
雷聲老夫病眼渾
無睡四壁軒
吟勝打更

浩然閣舟泛同李仁夫作

莽蒼野色杳無津
湖翠波光欲蕩人
空籟迥聞王
子吹非烟遥起洛
妃塵明朝君上仙
槎去也憶狂
夫夢海濱

太史升菴全集三十六卷終

楊升菴

三卷

二

五

